

INUIT ATAQATIGIIT INATSIARTUNI



UKA2024/11

15.11.2024

Mikivsuk Thomassen.

2023-mut Nunatta karsiata Naatsorsuutaasa akuersissutigineqarnissaannik siunnersuut.

(Aningaasaqarnermut Akileraartarnermullu Naalackersuioq)

Aappassaaneerinninnermi oqaaseqaat:

Naalackersuisunut qujanaq Nunatta karsiata naatsorsuutaanut 2023-imoortunut.

Namminersorlutik Oqartussat kukkunerisuiusuat avataanersoq 2023-mut naatsorsuutitut nangaassuteqarani, erseqqissanani isornartorsiulluniluunniit oqaaseqaateqarani atsiorpoq, tamanna Inuit Ataqtaigiiniit nuannaarutigaarput, qujassutigalugulu.

Nunatsinni Inatsisartut inatsisiliorlutik aalajangiinerisa kingunerisaanik sanaartorneq annertoq ingerlannanngarpoq. Aningaasarsiornikkut inuiaqatigiinni kaaviiartitat annertupput assigiinngitsunillu sunniuteqarlutik.

Nunatsinni aningaasaqarneq eqqarsaatigalugu patajaatsumik ingerlanissaa tamatta soqutigisaraarput.

Inuit Ataqatigiiniit ukioq 2023-mut aningaasaliissutit pillugit maluginiakkagut arlaqarput tamannalu ataatsimiititaliap sulilluarsimaneratigut isumagineqarsimasut arlaqarput takusinnaavavut.

Avataaniit kukkunerisuiusut naatsorsuutitut 2023-imoortunut erseqqissaanani isornartorsiulluniluunniit oqaaseqaateqarani atsiornera toqqissisimanarpoq, tamannaluttaaq isumaqarpoq aqutsisinikkut malitassat malinneqarsimaneranik nalunaarnermik. Tamaasillunittaaq inatsisartuni aalajangersakkatta pitsaasumik ingerlanneqarsimaneranik takussitissiilluni.

Taama oqaaseqarluta nunatta naatsorsuutai 2023-mut akuerlugit nalunaarutingaarput.